

# ადიგენის მუნიციპალიტეტის საკრებულოს

დადგენილება №27  
2018 წლის 6 თებერვალი

დაბა ადიგენი

## ადიგენის მუნიციპალიტეტის მერიის იურიდიული სამსახურის რეორგანიზაციის გეგმის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 ნაწილის, ადიგენის მუნიციპალიტეტის მერიის დებულების 41-ე მუხლის შესაბამისად, ადიგენის მუნიციპალიტეტის საკრებულო ადგენს:

### მუხლი 1

დამტკიცდეს ადიგენის მუნიციპალიტეტის მერიის იურიდიული სამსახურის რეორგანიზაციის გეგმა დანართის შესაბამისად.

### მუხლი 2

დადგენილება ამოქმედდეს გამოქვეყნებისთანავე.

ადიგენის მუნიციპალიტეტის  
საკრებულოს თავმჯდომარე

იმედა მღებრიშვილი

დანართი

## ადიგენის მუნიციპალიტეტის მერიის იურიდიული სამსახურის რეორგანიზაციის გეგმა

### მუხლი 1. ზოგადი დებულებანი

1. ადიგენის მუნიციპალიტეტის მერიის იურიდიული სამსახურის რეორგანიზაციის გეგმა (შემდგომში – გეგმა) შედგენილია საქართველოს ორგანული კანონის „ადგილობრივი თვითმმართველობის კოდექსი“ და „ადიგენის მუნიციპალიტეტის მერიის დებულების დამტკიცების შესახებ“ ადიგენის მუნიციპალიტეტის საკრებულოს 2014 წლის 17 ივლისის №23 დადგენილების მოთხოვნათა შესაბამისად.

2. გეგმა ადგენს სარეორგანიზაციო სტრუქტურას, რეორგანიზაციის ვადას, გასატარებელ ღონისძიებათა ჩამონათვალს, რეორგანიზაციის პროცესში ადიგენის მუნიციპალიტეტის მერიის იურიდიული სამსახურის საქმიანობის რეჟიმს და მის შესრულებაზე პასუხისმგებელ პირს.

### მუხლი 2. სარეორგანიზაციო სტრუქტურა

1. რეორგანიზაცია შეეხება ადიგენის მუნიციპალიტეტის მერიის შემდეგ სტრუქტურულ ერთეულს: იურიდიულ სამსახურს.

2. რეორგანიზაციის პროცესში მოხდება იურიდიული სამსახურიდან კონტროლისა და აუდიტის განყოფილების გამოყოფა და ახალი სტრუქტურული ერთეულის – ადიგენის მუნიციპალიტეტის მერიის შიდა აუდიტისა და ინსპექტირების სამსახურის ჩამოყალიბება.

### მუხლი 3. სარეორგანიზაციო ღონისძიებები და ჩატარების ვადა

1. მერიის იურიდიული სამსახურის რეორგანიზაცია უნდა დასრულდეს 2018 წლის 31 მარტამდე.

2. რეორგანიზაციის პროცესში ტარდება შემდეგი ღონისძიებები (სამოქმედო გეგმა):

ა) მერიის იურიდიული სამსახურიდან კონტროლისა და აუდიტის განყოფილების გამოყოფა, მუნიციპალიტეტის ახალი სტრუქტურული ერთეულის – ადიგენის მუნიციპალიტეტის მერიის შიდა აუდიტისა და ინსპექტირების სამსახურის ჩამოყალიბება და სამსახურის ფუნქციების განსაზღვრა უნდა დასრულდეს 2018 წლის 20 მარტამდე;



ბ) მერიის დებულებაში შესატანი ცვლილებების პროექტის მომზადება უნდა მოხდეს 2018 წლის 20 მარტამდე;

გ) იურიდიული სამსახურის დებულებაში შესატანი ცვლილებების პროექტის მომზადება უნდა მოხდეს 2018 წლის 20 მარტამდე;

დ) შიდა აუდიტისა და ინსპექტირების სამსახურის დებულების პროექტის მომზადება უნდა მოხდეს 2018 წლის 20 მარტამდე;

ე) „ადიგენის მუნიციპალიტეტის მერიის თანამდებობის პირთა, პროფესიულ საჯარო მოხელეთა რანგირების, საშტატო ნუსხის დამტკიცების და თანამდებობრივი სარგოების ოდენობის განსაზღვრის შესახებ“ ადიგენის მუნიციპალიტეტის საკრებულოს 2018 წლის 18 იანვრის №21 დადგენილებაში შესატანი ცვლილებების პროექტის მომზადება და მიღება უნდა მოხდეს არაუგვიანეს 2018 წლის 20 მარტამდე;

ვ) ვაკანტურ თანამდებობაზე (არსებობის შემთხვევაში) კონკურსის ჩატარების უზრუნველყოფა „საჯარო სამსახურის შესახებ“ საქართველოს კანონით გათვალისწინებული კონკურსის ჩატარების წესისა და „საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204 დადგენილების დამტკიცებული წესის მიხედვით, მოქმედი კანონმდებლობის ვადების დაცვით, საკონკურსო კომისიის გადაწყვეტილების შესაბამისად;

ზ) იურიდიული სამსახურის მოსამსახურეთა გაფრთხილება მოსალოდნელი რეორგანიზაციის, შტატების შემცირების (საჭიროების შემთხვევაში) ან სხვა სამსახურში გადაყვანის შესახებ უნდა მოხდეს არაუგვიანეს 2018 წლის 15 თებერვლამდე;

თ) ადიგენის მუნიციპალიტეტის მერიის სარეორგანიზაციო სტრუქტურის მოსამსახურეთა სამუშაო აღწერილობებისა და საკვალიფიკაციო მოთხოვნების პროექტების მომზადება და მიღება უნდა მოხდეს არაუგვიანეს 2018 წლის 25 მარტისა.

#### **მუხლი 4. რეორგანიზაციის რეჟიმში სამსახურის საქმიანობის წესი**

რეორგანიზაციის პროცესში მერიის იურიდიული სამსახური მოქმედებს მოქმედი დებულებისა და მერიის საშტატო ნუსხის შესაბამისად.

#### **მუხლი 5. გეგმის შესრულების კონტროლი**

1. გეგმის შესრულებას კოორდინაციას უწევს ადიგენის მუნიციპალიტეტის მერი, რომელმაც საკრებულოს დასამტკიცებლად უნდა წარუდგინოს შესაბამისი სამართლებრივი აქტების პროექტები.

2. გეგმის მე-3 მუხლის მე-2 ნაწილის „ა“, „ბ“, „გ“ და „დ“ ქვეპუნქტებით გათვალისწინებული ღონისძიებათა შესრულებაზე პასუხისმგებელია მუნიციპალიტეტის მერიის იურიდიული სამსახური.

3. გეგმის მე-3 მუხლის მე-2 ნაწილის „ა“ „ე“, „ვ“ და „ზ“ ქვეპუნქტით გათვალისწინებული ღონისძიების შესრულებაზე პასუხისმგებელია მუნიციპალიტეტის მერიის ადმინისტრაციული სამსახური.

4. გეგმის მე-3 მუხლის მე-2 ნაწილის „თ“ ქვეპუნქტით გათვალისწინებულ ღონისძიებათა შესრულებაზე პასუხისმგებელია ადიგენის მუნიციპალიტეტის მერიის ადმინისტრაციული სამსახური და ადიგენის მუნიციპალიტეტის მერიის შესაბამისი სარეორგანიზაციო სტრუქტურული ერთეულის ხელმძღვანელი.

